




ԿԱՐԳ ՎԱՐԴԱՊԵՏԱՅՆ ՀԱՅՈՅ

Ա.

ՕՐՀՆՈՒԹԻՒՆՔ, [ԱՆՈՒԱՆՔ ԵՒ ԳՈՐԾՔ ԵՐԿՈՏԱՍԱՆ
ՎԱՐԴԱՊԵՏԱՅՆ]

(Ձեռ. № 625, էջ 93բ—94ա, ԺԷ դ.)

^{93բ} ...Ա. Սուրբն Դիոնիսիոս՝ լոյժ գիտնական և հանճարեղ: Սա լաւոր խա-
չելութեանն Քրիստոսի ետես զխաւարումն արեգական և Պողոսէ լեալ ե-
պիսկոսոյս արեւմացոց:

Բ. Յրեթէոս բնկերն Դիոնիսիոսի: Ի սմանէ ուսան ամենայն ողղա-
փառաց ասել Աստուածածինն զսուրբ Կոյսն Մարիամ. հրեղէն լեզուս:

Գ. Սեղբասորոս: Սա մկրտեաց զմեծն Կոստանդիանոս: Սա կարգեաց
ի վեր քան զաւաք լրումն լուսնի առնել Զատիկն:

Դ. Աթանաս Աղէքսանդրացին: Սա գրեաց Հաւատամքն, որ ի <կի>
Նիկիա, և անտի բնկալան ամենայն ազգ քրիստոնէից, և այլ կանոնս
գրեաց:

Ե. Մեծն Կիրեղ Երուսաղէմացին: Սա արար զգիրս Երախայիցն և
կարգեալ գիրսն Յակոբայ, լաւել բնթերցուածս ԺԹ (19)՝ հանդերձ մեկնու-
թեամբ մոցին, որ ասի Կոչումն բնծայութեան, ՀԷ (77) ամ արար պատ-
րիարզութեան:

^{94ա} Զ. Եփրեմ Խորին Ասորին: Սա արար Մեկնութիւն Հին և Նոր Կտակա-
րանացը՝ չԱրարածոցն սկսեալ // մինչ ի Աւետարանն Յովհաննու, և՛ այլ
բազում ճառս ի տօնս տէրունականս՝ թուով ԷՌ (7000):

Է. Բարսեղ Կեսարացին հաւասար գտաւ սուրբ առաքելոց: Սա արար
զգիրս Պահոցն, և Հարցողացն և Վեցօրէից արարչութեանն Աստուծոյ և
այլ մեկնութիւնս աստուածայինն գրող. լոյժ ծերացեալ էր:

Ը. Գրիգոր Նիսեացին՝ եղբայր Բարսղի Կեսարացոյ ըստ մարմնոյ: Սա
արար զգիրս Կազմութեան և Բնութեան մարդոյս, արար Երգ երգոյն մեկ-

նութիւնս, այլ և Ինն երանութեանն և աստուածուսոյց Աղօթիցն, արար զգիրս Կուսութեան:

Թ. Գրիգոր Աստուածաբանն արար բազում արթիւնս: Սա արժանացաւ ինն պարգևացն Աստուծոյ Հոգոյն, զոր առաքեալն Պօղոս թուէ:

Ժ. Եպիփան Կիպրացին: Սա արար զՄեկնութիւնս Սաղմոսացն Դաւթի և այլ բազում ճառս:

ԺԱ. Յոհան Ոսկիբերանն: Սա ասաց ճառս ԲԺ-ն Ռ (12 000) և կոչեցաւ Ոսկիբերան վասն պատուականութեան բանին, վարդապետ ապաշխարութեան:

ԺԲ. Փոքր Կիրեղ Աղէքսանդրացին: Սա արար զգիրս Գանձուցն և Պատգամացն:

Այլ և որպէս երկոտասան առաքելոց գլովսն Դ (4) աւետարանիչքն եղան, այսպէս երկոտասան վարդապետաց գլովսն՝ Աթանաս, Կիրեղ Երուսաղէմացին, Բարսեղ Կեսարացին, Գրիգոր Աստուածաբանն:

Բ

ԱՅՍ ԵՆ ԵՐԿՈՏԱՍԱՆ ՎԱՐԴԱՊԵՏՔՆ

(Զեռ. № 605, էջ 19բ—20ա, ԺԷ դ.՝ 1671 թ. առաջ: Առաջինի մի այլ տարբերակն է: Այս բնագրերին կրկնում են նոյն Մատենադարանի թիվ 81 (258ա), 403 (252ա) և այլ ձեռագրերում պահպանված ցանկերը, որոնք սոսկ անունների թվարկում են):

Ա. Առաջին Դիոնիս[ի]ոս Արիսպագացին: Ի տման[է] աւանդեաց ձեռնադրութիւն քահանայութեան երկնայնոցն, զոր ուսաւ ինքն ի Պօղոսէ առաքելոյն:

Բ. Երկրորդ Յովթէոս Վարդապետն՝ ընկեր սրբոյն Դիոնիս[ի]ոսի: Սա զարմացոյց զհրեղէն լեզուն՝ ի Ներքողեան Կուսին գովեստից:

Գ. Երրորդ սուրբն Սեդրեստրոս, որ մկրտեաց զմեծն Կոստանդիանոս: Սա սահմ[ան]եալ կանոն[ե]աց ի վեր քան զաւագ լրումն առնել զաւագ Զատիկն:

Դ. Չորրորդ մեծն Աթանաս Աղէկսանդրացին: Սա զրեաց զՀաւատաւքն ի ժողովն Նիկիայ:

Ե. Հինգերորդ մեծն Կիրեղ Երուսաղէմացին: Ի սորայ ժամանակն երևեցաւ սուրբ խաչն ի Գողգոթայ՝ ցոլացեալ մինչ ի լեառն Զիթենեաց, և արար զգիրս Երախայից:

Զ. Վեցերորդ սուրբ Եփրեմ Խորին Ասորին, որ արար զՄեկնութիւն արար[ած]ոցն Հին և Նոր Կտակարանացն՝ յԱրարածոցն սկսեալ մինչ ի յԱւետարանն Յոհաննոս:

Է. Եօթներորդ Բարսեղ Կեսարացին: Սա արար զգիրս Պահոցացն և զՀարցողացն: Սմայ ասաց Աստուածածին. «Գրեայ, գրեայ. խնայեայ, խնայեայ», զի ծեր էր:

Ը. Ութներորդ Գրիգոր Նիսացին՝ եղբայր Բարսեղի: Սա արար զգիրս Կազմութեան և զԲնութեան:

Թ. Իններորդ Գրիգոր Աստուածաբանն:

Ժ. Տասներորդ մեծն Եփիփան Կիպրացին, որ արար զՄեկնութիւն Սաղմոսացն Դաւթի:

ԺԱ. Մետասաներորդ Յոհան Ոսկիերանն, որ ասաց ճառս երկոտա-
սան հազար և կոչեցա Ոսկիերանն:

ԺԲ. Երկոտասաներորդ Կիրեղ Աղէկսանդրացին, որ արար զգիրս
20m Գանձուցն // և զՊարապմանցն:

Աթանաս և Կիրեղ, Բարսեղ և Գրիգոր Աստուածաբանն՝ սոքայ գերա-
զոյնք են:

Գ.

ԹԻԻՔ ԵՒ ԱՄՔ ԺԱՄԱՆԱԿԱՅ ՍՐԲՈՅ ՎԱՐԴԱՊԵՏԱՅ
ՍԿՍԵԱԼ ՅԱՄԻ ՏԵԱՌՆ ԽԱ (41)

(Զեռ. № 2220, էջ 295բ—296բ, 1789—1790 թթ.)

Սուրբն Մատթէոս գրեաց զԱետարանն յամի Տեառն ԽԱ (41):

Սուրբն Մարկոս յամի Տեառն ԽԵ (45):

Սուրբն Դովաս յամի Տեառն ԾԼ (58):

Սուրբն Յովհաննէս յամի Տեառն ԴԹ (99):

Դիոնիսիոս Արիպագացին, Իզնատիոս Աստուածագեացն, Շմատն
ագականն Քրիստոսի կատարեցան՝ ԾԹ (109):

Պօղիկարպոս Իզմիլոնոյ հայրապետն՝ ԾԿԹ (169):

Երանոս հետևողն առաքելոց՝ ԲԾԵ (205):

Գրիգոր Սբանչեղագործն՝ ԲԾԿԵ (265):

Ամբ ծննդեանն սրբոյն Գրիգորի Լուսաւորչին՝ ԲԾԾԹ (289):

Մուսն ի Վիրապն՝ ԲԾԶԹ (289):

Զեռնադրիլն ի Կեսարիա՝ ԳԾԳ (303):

Կատարումն սրբոյն Պետրոսի Աղէքսանդրոս հայրապետին՝ ԳԾԺ (310):

Հաւատալն մեծին Կոստանդիանոսի՝ ԳԾԺԻ (314):

Գումարումն Նիկիոյ սուրբ ժողովոյն ըստ պատմագրաց՝ ԳԾԻԵ (325):

Հանգիստ սրբոյն Նիկողայոսի հայրապետին՝ ԳԾԻԶ (326):

Ի քաց կալն յաթոտոյն սրբոյն Գրիգորի Լուսաւորչին՝ ԳԾԼԲ (332):

Հանգիստ սրբոյն Սեդրեատրոսի հայրապետին՝ ԳԾԼԵ (335):

Յակոբայ Մծբնայ հայրապետին՝ ԳԾԽԼ (348):

Անտոնի Անապատականի՝ ԳԾԾԶ (356):

Աթանասի հայրապետին՝ ԳԾՀԳ (373):

Բարսղի և Եփրեմի՝ ԳԾՀԼ (378):

Գումարումն Կոստանդնուպօլսի սուրբ ժողովոյն՝ երեք հարիւր ԶԱ (381):

20m // Կիրոլի Երուսաղէմայ հայրապետին և Ներսիսի մեծին՝ ԳԾԶԶ (386):

Գրիգորի Աստուածաբանին՝ ԳԾԶԹ (389):

Գրիգորի Նիսացոյն՝ ԳԾՂԵ (395):

Ամբրոսիոսի Մինդոլացոյն՝ ԳԾՂԷ (397):

Եպիփանոս Կիպրացոյն՝ ԴԾԳ (403):

Յովհաննոս Ոսկերեբանին՝ ԴԾԷ (407):

Գիւտ գրոյն հայոց՝ ԴԾԸ (408):

Զերոնիմոսի Լատինացոյն՝ ԴԾԻ (420):

Օգոստինոսի Հիպօլիտացոյն՝ ԴԾԼ՝ (430):

Գումարումն սուրբ ժողովոյն Եփեսոսի՝ ԴԾԼԱ (431):

Կիրոլի Աղէքսանդրացոյն՝ ԴԾԽԴ (444):

Սահակայ Պարթևի և Մեսրոպայ հայրապետին՝ ԴԾԽԹ (449):

Միս ժողովն Եփեսոսի՝ ԴԺԽԹ (449):

Ժողովն Քաղկեդոնի՝ ԴԺԾԱ (451):

Կատարումն սրբոց Վարդանանցն՝ ԴԺԿԳ (468):

Յովհաննու Մանդակունեցոյն՝ ԴԺՂԶ (496):

Գումարումն երկրորդ ժողովոյն Կոստանդնուպօլսի, ուր ընդդիմացան սխալմանցն Քաղկեդոնի՝ հինգ հարիւր ԾԳ (553):

Գրիգորի պապուն Հռոմայ՝ ԶԺԴ (604):

Գումարումն երրորդ ժողովոյն Կոստանդնուպօլսի՝ վեց հարիւր ԶԱ (681):

Յովհաննու Օձնեցոյն՝ ԷԺԻԶ (726):

Գումարումն երկրորդ ժողովոյն Նիկիոյ՝ վասն սրբոց պատկերաց՝ ԷԺԶԷ (787):

Գումարումն չորրորդ ժողովոյն Կոստանդնուպօլսի, ուր սկիզբն եղև երկպառակութեան Յունաց ընդ Լաթինացոց՝ ԸԺՀԹ (879):

Գրիգորի Նարեկացոյն՝ ՌԴ (1004):

//Գրիգորի Վկայասիրի՝ ՌԺԷ (1107):

Բեռնարտոսի հօրն՝ ՌԺԾԳ (1153):

Ներսէսի Ծնորհալոյն՝ ՌԺՀԳ (1173):

Ներսէսի Լամբրոնացոյն՝ ՌԺՂԷ (1197):

Մխիթարայ Գոշին՝ ՌԲԺԺԶ (1216):

Վարդանայ վարդապետին՝ ՌԲԺՀԱ (1271):

Ալբերթի՝ ՌԲԺԶ (1280):

Յովհաննու Որոտնեցոյն՝ ՌԳԺԶԷ (1387):

Գրիգորի Տաթևացոյն՝ ՌԴԺԸ (1408):

Դ

[ԿԱՐԳ ԾԱՅՐԱԳՈՅՆ ԳԱԻԱԶԱՆԻ ՎԱՐԴԱՊԵՏՈՒԹԵԱՆՍ ՀԱՅՈՑ]

(Զեռ. № 1078, էջ 40բ—41բ, 1760 թ.)

41ա Աստանայ պարտ է գիտել մեզ, թէ յորմէ սերեցաւ զծայրագոյն գաւազան վարդապետութեան Հայոց. մինչև //առ մեզ են այտքիկ:

Նախ Թաղէոս առաքեալն Քրիստոսի:

Նորին աշակերտ Թեոփիլոս:

Նորին աշակերտ Ղևոնդ:

Նորին աշակերտ սուրբ Լուսաւորիչն մեր Գրիգորիոս:

Նորին աշակերտ Արիստակէս:

Նորին աշակերտ Վրդանէս:

Նորին աշակերտ Յուսիկ:

Նորին աշակերտ Փառնեքսէն:

Իսկ մեծն Ներսէս էառ յԵսեքեայ:

Նորին աշակերտ Իսահակ:

Նորին աշակերտ Մեսրօպ. սա արար զգիրս Հայոց:

Նորին աշակերտ Մովսէս Քերթօղն:

Նորին աշակերտ Դաւիթ Անյաղթն:

Նորին աշակերտ Եզնակ:

Նորին աշակերտ Մամբրէ:

Նորին աշակերտ Ղազար:

Նորին աշակերտ Պօղոս:
 Նորին աշակերտ Արթամ:
 Նորին աշակերտ Յովհաննէս Մայրապանեցին:
 Նորին աշակերտ Ներսէս Մեծոփեցին:
 Նորին աշակերտ Յօհան Օձնեցին:
 Նորին աշակերտ Վահրամ:
 Նորին աշակերտ Ներսէս Կայեցին:
 Նորին աշակերտ Գրիգոր:
 Նորին աշակերտ Մխիթար, որ մականունամբ Գոշ ասի:
 Նորին աշակերտ Յովաննիսի, որ է Վանական:
 Նորին աշակերտ Վարդան:
 //Նորին աշակերտ Ներսէս:
 Նորին աշակերտ Եսայեայ, որ է ի Նիշ գաւառ:
 Նորին աշակերտ Յոհաննու Որոտնեցոյ:
 Նորին աշակերտ Գրիգոր Տաթևացոյն:
 Նորին աշակերտ Դանիէլ:
 Նորին աշակերտ Յոհաննէս Համշինեցոյ:
 Նորին աշակերտ Թօրոս:
 Նորին աշակերտ Գրիգոր Տարօնեցոյ:
 Նորին աշակերտ Յովհաննէս, որ մականունն Շիրակ ասի:
 Նորին աշակերտ Ղուկաս Կեղեցոյ:
 Նորին աշակերտ Արապիոն լորնացի, որ եղև կաթողիկոս սուրբ Էջմիածնայ:
 Նորին աշակերտ Գրիգոր Կեսարացի:
 Նորին աշակերտ Մովսէս Սիւնեցի, որ եղև կաթողիկոս սուրբ Էջմիածնայ:
 Նորին աշակերտ Պետրոս Կառկաւեցի, որ եղև կաթողիկոս ի Սիս:
 Նորին աշակերտ Թօրոս, որ եղև կաթողիկոս ի Սիս:
 Նորին աշակերտ մեծն Մարտիրոս Շնքուշեցի:
 Նորին աշակերտ Արիստակէս Խարբերտեցի:
 Նորին աշակերտ Եղիազարտ Հօռօմկայեցի, որ եղև կաթողիկոս սուրբ Էջմիածնայ:
 Նորին աշակերտ Նահապետ, որ եղև կաթողիկոս սուրբ Էջմիածնայ:
 Նորին աշակերտ Ներսէս, որ եղև ԿԱԹՈՂԻԿՈՍ Աղուանից. Մեծ գունեից:

Ե

[ԿԱՐԱՊԵՏԻ ԲԱՂԻՇԵՑԻՈՅ] ԱՅՍ ԵՆ ԿԱՐԳ ՎԱՐԴԱՊԵՏԱՅՆ ՄԵՐՈՑ՝
 ՈՉ ԱՌԱՋՆՈՅՆ, ԱՅԼ՝ ՎԵՐՋՆՈՅՆ:

(Ձեռ. № 45, էջ 325բ, 1642 թ.: Նույն բնագրի մի այլ՝ գրչական շնչին տարբերակներ ունեցող տարբերակ գրանցված է Մատենադարանի թիվ 2865 ձեռագրի 312բ էջում, որպէս հետագա հիշատակագրություն)

Նախ Գրիգոր Տաթևացին.
 Եւ Նորին աշակերտն Դանիէլ.
 Նորին՝ Յովաննէս Համշեցին.
 Նորին՝ Գրիգոր լորնիչոյ, որ մականունն Չորթան ասի.
 Եւ միւս աշակերտն՝ Թորոս վարդապետն.

Իսկ Չորթանի աշակերտն Ներսէս, որ Մատաղ ասի:

Նորին՝ Ներսէս Բաղիշեցի.

Նորին՝ Ներսէս Ամկեցի,

Նորին աշակերտքն Բ (2).

Յոհաննէս Ոստանցին ի գեղջէն Վառնուշատ և

Ագարիայ ի Հայոց Մեծաց, ի գեղջէն Ծառկերտոյ՝ մերձ ի քաղաքն
Նախճուանայ:

Իսկ աշակերտքն Յովաննէս Ոստանցոյն՝

Սիմոն Ապարանցին և

Բարսեղ Գաւառցին.

Սիմոնի աշակերտքն Կարապետ Կալօն և Փարխանցին,

և նորին՝ միւս փոքր Սիմեոն Ծգնազգեացն:

Եւ Բարսեղի աշակերտքն՝ Յոհաննէս Բուժիկ Բաղիշեցին և այլք քա-
ղումք:

Եւ Յոհաննէսին՝ Խաչատուր մեծ ըստմին, և այլ արևելեանք ամեն և
Չորթանէն սերեցան:

Դարձեալ նոր սկսայց ի Յովաննէս Համշեցին.

Նորին միւս աշակերտն Թորոս, որ ի վերոյ ասացաւ.

Թորոսի աշակերտն Գրիգոր Տարօնեցին.

Նորին՝ Յովաննէս Ծիրաքն.

Նորին՝ Ղուկասն, որ էր ի Խորձունեաց գաւառէն Կեղույ.

Նորին՝ Պետրոս Կարկառցին և

Սրապիոն յՈւրհայեցին, որ եղև կաթողիկոս սուրբ աթոռոյն Էջմիածնայ
տարի մի և վեց ամիս և փոխեցաւ առ Քրիստոս:

Այլ և նորին աշակերտքն՝

Բարսեղ որ է Սասնոյ, ի Նիջ գաւառէն, ի գեղջէն որ ասի Մարման և
Յովսէփ Հզովեցին,

Յոհաննէս յՈւրհայեցին:

Եւ՝ նուաւտ Կարապետ քանի սպասավոր Բաղիշեցի, ի գեղջէն Փար-
խանդոյ, զոր լուս ի պատմագրացն և զոր աչօք մեր տեսաք, զի չէին ինչ
պակաս յառաջին վարդապետացն ուսմամբ և գործով, այլ ևս գերագոյն:
Այլ և երկու անուանի վարդապետ այլ գրեցի.

Յովաննէս Անթապեցին, որ է կաթողիկոս Կիլիկեցոց, և

Գրիգոր Ղասարցին՝ յԱռաջին Հայոց՝ բանիբուն և սիրող իմաստասի-
րական հանճարոյ:

Յովաննէս ի մերոյ Ներսիսեանցն է, և Գրիգոր՝ ի Թորոսի աշակեր-
տացն:

Զ

ՎԱՐԴԱՊԵՏԱՅ ՄԵՌԱՆԵԼՆ
(Ձեռ. № 84, էջ 282բ, 1614 թ.)

Հանգեալ ի Քրիստոս Ներսէս վարդապետն ի վանս Գլաճորոյ՝ թվին
հսկոց 214 (1284), ի փետրվարի ԻԶ (26), ի փառս.

Վախճանեցաւ սուրբ վարդապետն Մխիթար Այրիվանեցին՝ թվականիս
մերոյ 222 (1337) (իմա՝ 20Զ—1307—Գ. Հ.), փետրվարի Ժ (10):

Յոհաննէս Որոտնեցիին փոխեցաւ ի Քրիստոս թվին ՊԶԵ (1426)՝ ի նոյն ատոր ծննալ յորում վախճանեալ. և այս է Կախիկ վարդապետն, և էր սայ գաւառաւ Որոտնեցի, յաշխարհէն Սիւնեաց, ի գեղջէն Վաղատնոյ:

Վախճանեցաւ Զաքարիա կաթողիկոս Աղթամարցիին՝ թվին ՊԽԲ (1393), յունիսի ԻԶ (26):

Է

ՎԿԱՅԵԱԿԱՆ ԳԱԽԱԶԱՆԻ

(Զեռ. № 748, էջ 312ա—314բ, 1731 թ.)

Ի նքնագոյ իսկութեան և երբեակ անձնաւորութեան և անքակ միաւորութեան անօգնական սահման, պատեզր անփոփոխ, կերպաձև տիպ անորակ, յէութիւն անակիզքն, գոյութեան աննդ, կեանք անվախճան, իսկութիւն յաւետ դիմօք յատկացեալ, և բնութեամբ միացեալ կամք, մի ներգործութիւն, նոյն տէրութիւն գոյք, գորութիւն անկըշիտ, իշխանութիւն հարթ, պատիւ հաւասար, կատարելութիւն անպակաս, լիութիւն աննուագ, պարզութիւն անխառն, մաքրութիւն զուտ, քաղցրութիւն առանց դառնութեան, քարութիւն առանց չարութեան, ճառագայթ անշիջանելի, ճշմարտութիւն անսոտ, ցրնծութիւն անզրաւ, խորհուրդ խոր, իմաստութիւն անբաւ, բարձրութիւն անբաղտատ, որքանութիւն անկէտ, մեծութիւն անշափ, գերազանցութիւն անպարփակ տեղոյ, հուպ անհեղի, բարձրեալ անքննիմ, գորութիւն աննդ, տէր արարածոց, թագաւոր երկնի, պետ բարի, աջ ապաւինութիւն, 312բ պարիսպ ամրութեան, անզննիմ իմանալեաց, // անքննիմ ըսգալեաց, անհաս Բանի, անճառ լեզուի, արարիչ ամենայն գոյի, ըստեղծիչ հրեշտակաց, հաստիչ հ[ո]ղեղիմաց, յորոց անկնեղի օրհներգութեան պատուելի և երկըրպագելի, և փառաւորելի, ամենասուրբ Երրորդութիւն նոյն մարդասէր և արարչագործ բնութիւն բարերարին Աստուծոյ, ըստ բարերար գործոց իրոց:

[Ա]. Նախ յառաջ շարժեաց ըստեղծումն լէից, և նախախնամեաց, ևս, և նախ ինքն եցոյց արարիչն զնախախնամութիւն իւր, զի որպէս զգալի լերկնէս կրկին լուստիպլութիւնք ճառագաթին և լուսաւորեն զմեզ, նոյնպէս Աստուած պէտականէն լուսոյ, այսինքն՝ ի Հօրէն կրկին լոյս, Բանն Աստուած և Հոգին Սուրբ վարդապետաբար լուսաւորէ զհաւատացեալս նախախնամութեամբ իւրով:

Բ. Երկրորդ՝ ի նոյն Բանէն Աստուծոյ գիտութիւն իմաստութեան հեղու առ թերթէսն և շնորհօք իմաստութեան նոցա բարերարութիւն:

[Գ]. Երրորդ՝ նոյն ինքն յառաջին և միջին և վերջին երիցս երբեակ տարրորոշեալ դասքն, ըստ մեծին Դ[ի]ոնէսիեայ ուսուցանեն զմիմեանս, 313ա այսպէս և վարդապետք եկեղեցոյ ուսուցանեն // զլաշակերտեալսն իրեանց, և նոքա՝ զժողովուրդսն նախախնամաբար:

Դ. Չորրորդ՝ զի ստոխնան ետուր ի նախահայրն մեր Ադամ, որ մարգարեացաւ, թէ ահա այժմ այս ոսկր ուկերաց իմոց և մարմին ի մարմնոյ իմոյ, որ նշանակէր զմարգարէութեան և զվարդապետութեան շնորհօք Սուրբ Հոգւոյն:

Ե. Հինգերորդ՝ երեցաւ շնորհս Աստուծոյ ի նախապետնն Նոյ, որ վարդապետաբար խրատէր զորդիսն իւր՝ պաշտել և ոչ խառնակիլ ի տունն Կայենի:

Զ. Վեցերորդ՝ երևեցաւ շնորհս այս ի վաղ աներումն աշտարակին, որ գնացին իրաքանչիւր ազգս իրեանց և ուսուցին վարդապետաբար զկրօնս և զլեզուս իրեանց միմեանց:

Է. Եօթներորդ՝ երևեցաւ սոյն շնորհս առ նահապետն Աբրահամ, որ քանական օրէնս ընկալաւ Աստուծոյ և խրատելով ուսուցանէր զորդիսն:

Ը. Ութերորդ՝ պայծառացաւ շնորհս այս առ մեծ մարգարէն Մովսէս, զոր էառ զգաւագանն Աստուծոյ և վարդապետ կոչեցաւ ի վերայ ժողովրդեան իրոյ՝ ազգին Իսրայէլի, և ետ աշակերտին իրոյ Եսուայ որդոյ Նաւեայ:

Թ. Իններորդ՝ երևեցաւ շնորհս այս ի Հեղի քահանայն, որ խրատէր զորդիսն իւր: Այսպէս եհաս ի Նաթան յանդիմանողն Դաւթի, ի Եզրաս մեծ դպիրն, և Եսու Օսեդեկեանց քահանայն մեծ, և ի նմանէ մինչև ի ծերն Սիմէօն և // մինչև ի մեծն Մկրտիչն Յոհաննէս՝ Կարապետն Քրիստոսի, որ քարոզէր յանապատի և ասէր. «Ապաշխարեցէք, զի մերձեալ է արքայութիւնն երկնից» և այլն:

Ժ. Տասներորդ՝ ճշմարտապէս երևեցաւ ի ճշմարիտ վարդապետն ի Տէրն մեր Յիսուս Քրիստոս, որպէս և հրամայեաց ասելով, թէ «Դուք կոչէք զիս վարդապետ, բարիոք առնէք և եմ իսկ» և եցոյց զվարդապետութիւն իւր ի քարոզելն իրում ժողովրդեանն: Եւ արար զառաքեալսն իւր վարդապետս, յորժամ առաքեաց զնոսա քարոզել:

ԺԱ. Մետասաներորդ՝ ընթացան յառաքեալքն ի վիճակս իրեանց և եղեն վարդապետք, աշակերտացն իրեանց քարոզելն զօրհնեալ անուն ամենասուրբ Երրորդութեան, փառաւորելով զՀայր և զՈրդի և զամենասուրբ Հոգին:

ԺԲ. Երկոյտասաներորդ՝ պարգևեցաւ շնորհս այս ի սուրբ հայրապետսն առաջինս, որ եղեն վարդապետքն եկեղեցոյ և ուսուցին մեզ պաշտել զԱստուած աստուածայնօք և ասել զաշխարհս աշխարհայնօք՝ որպէս սուրբն Բարսեղ և Գրիգոր Աստուածաբանն, մեծն Աթանաս, և սուրբն Կիրիլ, և Յոհան Ոսկիբերան և այլ հետևողք սոցա երկոտասան վարդապետք:

ԺԳ. Երեգտասաներորդ՝ շնորհս այս և աստիճան վարդապետութեան քացեափայլեաց ի սրբոյն Գրիգորէ մերոյ Լուսաւորչէ, քանզի յառաքեալն Թադէոս առեալ ի Տեառնէ շնորհս այս, որով լուսաւորեաց զՀայս, և լետ գաւազան Թեոփիլէի, որ ի Կեսարիէ Կապադովկացոց, և նա՝ զՂեւոնդիէ պատրիարքին Կեսարիոյ // և նա ետ սրբոյն Գրիգորի մերոյ Լուսաւորչին, և նա ետ որդոց իւրոց, այսինքն՝ Արիստակէսի, և նա ետ եղբօր իւրոյ Վըրդանայ, և նա ետ Ոսկայ, նորին աշակերտ Բագրատուն, նորին աշակերտ մեծն Ներսէս, և նա ետ որդոյ իւրում Իսահակայ:

ԺԴ. Չորեքտասաներորդ՝ եկն եհաս շնորհս այս և աստիճան մինչև ի մեծն Մեսրօպ վարդապետն Հայոց, որ եկլիսիաստական ճոխութեամբ և պերճութեամբ, իշխանութեամբ և պատուօք փառաւորեցաւ Հայոց և ի Յունաց. նորին աշակերտ Մովսէս Քերթողն. նորին աշակերտ Դաւիթ Անյաղթ փիլիսոփայն. նորին աշակերտ Եզնակ. նորին աշակերտ Մամբրէ. նորին աշակերտ Ղազար. նորին աշակերտ Պօղոս. նորին աշակերտ Աբրահամ. նորին աշակերտ Յոհան Գոմեցին. նորին աշակերտ Ներսէս Մեծորեցին. նորին աշակերտ Յոհան Օձնեցին. նորին աշակերտ Վահրամ. նորին աշակերտ Ներսէս Կլայեցին. նորին աշակերտ Գրիգոր Տղայ կոչեցեալն. նորին աշակերտ մեծ և երջանիկ թաքունապետն Մխիթար, որ մականուամբ Կոշ կոչեցաւ. սա յայտնապէս ետ գաւազան Յոհաննէս Վանականին. նորին

աշակերտ մեծն Վարդան. նորին աշակերտը՝ Ներսէս. նորին աշակերտ Եսայի Նիշեցին. նորին աշակերտ Յօհան Որոտնեցին, որ մականուամբ Վախիկ ասի. նորին աշակերտ Գրիգոր Տաթևացին. նորին աշակերտ Յոհաննէս Արճիշեցին. նորին աշակերտ // <նորին աշակերտ> Դանիէլ ճգնատրն. նորին աշակերտ Յօհաննէս Համշեցին՝ հրեղէն լեզուն. նորին աշակերտ Գրիգոր Սևեղայարոյց, որ մականուամբ Չորթան ասի. նորին աշակերտ Թորոս. նորին աշակերտ Գրիգոր Տաթևացին. նորին աշակերտ Յօհաննէս, որ մականուամբ Ծիրակ ասի. նորին աշակերտ Դուկաս Կեղեցին. նորին աշակերտ Սրապիոն Ուրհայեցի, որ եղև կաթողիկոս [ի] սուրբ Էջմիածին. նորին աշակերտ Գրիգոր Կեսարացին. նորին աշակերտ Մովսէս Սիւնեցին, որ եղև կաթողիկոս սուրբ Էջմիածնի. նորին աշակերտ Պետրոս Կառկանեցին, որ եղև կաթողիկոս [ի] Սիս. նորին աշակերտ Թորոս, որ սա եւ եղև կաթողիկոս [ի] Սիս. նորին աշակերտ մեծն Մարտիրոս Ընթուշեցին. նորին աշակերտ Արիստակէս Խարբերթեցին. նորին՝ Սահակ Երուսաղմեցին, որ մականուամբ Կլըմբօզ կոչի. նորին աշակերտ Սահակ Ապուշեցին, որ եղև պատրիարք սրբոյն Սաղիմայ և դիտապետ Կոստանդնուպօլսոյ. և Քրիստոսի փառք յափտեանս. ամէն:

Ը

[ԳՐԻԳՈՐԻ ԲԱՂԻՇԵՑԻՈՅ ՎԿԱՅԵԱԿԱՆ ԳԱԽԱԶԱՆԻ՝ ՏՈՒԵԱԼ Ի ՎԱՐԴԱՆԱՅ ԲԱՂԻՇԵՑԻՈՅ]
(Զեռ. № 737, էջ 6ա—8ա, ԺԸ դ.)

Ի գերազանց լուսոյ և ի բարեբուն յատուածապատկան Հօրէ յառաջ իսկ յիսկզբան շարժեալ գիտութեամբ յիստեղծումն ամենայն էից գերազարդեալ շքեղապանծ փառօք գերկինս և գերկիր վայելչացոյց իրով ամենաբանչ և արարչագործ բնութեամբ և յետոյ՝ իբր զտէր և զիշխան, զմարդն ստեղծագործեաց վայելոյ երկուց աշխարհաց:

Եւ նախ ինքն՝ ամենագօր արարիչն. նախախնամութիւն եցոյց առ իւրական արարածս, քանզի որպէս ի ըզգալի երկնէս կրկին լուսափայլութիւնք ճառագայթին և զվարճացեալ լուսատրնն զմեզ, նմանապէս և յանձարածագ թափանցանց լուսոյ Հօրէ կրկին ճառագայթ հատանին և ոչ բաժանին ի նմանէ, այսինքն՝ Աստուած Բանն ծնեալն ի Հօրէ և Աստուած Սուրբ Հոգին րդխեալն ի նոյն անճատ Հօրէ. սոքայ երբեակ և մին՝ միշտ նախախնամաբար վարդապետեն զմեզ՝ զհաւատացեալս իր: Եւ է այս անճատ նախախնամութիւն:

Երկրորդ՝ ի նոյն ամենասուրբ Երրորդութենէն գիտութիւնն և անճատածագ իմաստութիւնն հեղու միշտ առ քերօվբէսն և շնորհք իմաստութեան րդիւէ առ սերովբէսն, և սոքօք զրոյր դասս կատարելագործեն քանի վարդապետութեամբն իրեանց: Եւ այս եւս նախախնամութիւն քարոզի:

Երրորդ՝ զի նոյն ինքեանք առաջին և միջին և վերջին, երիս երբեակս դասակարգութիւնքն տարրորշեալս մեծին Դիոնիսեայ, և նախ զմիմեանս ուսուցանեն և առ միմեանս զեղուն շնորհս գիտութեան // վարդապետօրէն. նոյնպէս և վարդապետք ուսուցանեն զաշակերտս, և նոքա՝ զժողովուրդս ինճամարար:

Չորրորդ՝ զաստիճանս եղ ի նախամայրն Աղամ. մարգարէացաւ թէ

ահա ոսկր լուկերաց իմոց, որ նշանակել գմարգարեութեան և զվարդապետական շնորհն:

Հինգերորդ՝ երևեցաւ շնորհս այս ի նահապետն Նոյ, որ վարդապետէր խրատելով զորդիսն իր՝ պաշտել զԱստուած կենդանի և ոչ խառնակիլ ի տունն Կայենի:

Վեցերորդ՝ երևեցաւ կարգս այս յաւերումն աշտարակին, որք գնացին իրաքանչիւր յագգս իւր և ուսուցին վարդապետաբար զկրօնս և զլեզուս իրեանց:

Եօթներորդ՝ երևեցաւ առ նահապետն Աբրահամ, որ բնական օրէնս ընկալաւ յԱստուծոյ և խրատեալ ուսուցանէր զորդիսն իւր:

Ութներորդ՝ պայծառացաւ շնորհս այս առ մեծն Մովսէս. զգաւազանն, զոր էառ յԱստուծոյ, վարդապետեաց ժողովրդեանն իւր:

Իններորդ՝ երևեցաւ առ Հելի շնորհս աստիճանիս այս, որ խրատէր զորդիսն իւր: Այսպէս և առ Նաթան յանդիմանողն Դաւթի և յԵզրաս և Յեսու Յովսէփէկեանց քահանայն մեծ և ի ճմանէ մինչև ի Յովսէփէկէ Մկրտիչն, որ վարդապետէր և ասէր. «Ապաշխարեցէք, զի մերձեալ է արքայութիւն Աստուծոյ»:

Տասներորդ՝ երևեցաւ ի ճշմարիտ վարդապետն, ի Տէրն մեր Յիսուս Քրիստոս, որպէս հրամայեաց ասելով. «Դուք կոչէք զիս Տէր և վարդապետ, որպէս և եմ իսկ», և եցոյց զվարդապետութիւնն ի քարոզել ժողովրդեանն:

7ա

Մետասաներորդ՝ արար զա//ռաքեալսն վարդապետ, յորժամ առաքեաց զնոսա քարոզել, և պատուիրեաց նոցա, ասելով. «Գնացէք աշակերտեցէք զամենայն հեթանոսս, մկրտեցէք» և այլն:

Երկուտասաներորդ՝ ի համբառնայն, Տէրն մեր Յիսուս Քրիստոս եղ զձեռս իւր ի վերս զլիսց նոցա և արար զնոսա կաթողիկոսունս, և յորժամ էջ Սուրբ Հոգին, ի սուրբ Վերնատանն, յաւոր Պէնտէկոստէի արար զնոսա վարդապետս և ուսուցիչս:

Երեքտասաներորդ՝ ընթացան առաքեալքն ի վիճակս իրեանց և եղեն վարդապետք հեթանոսաց. քարոզէին զաճեղ անուն ամենասուրբ Երրորդութեան՝ զՀայր և զՈրդի և զամենասուրբ Հոգին:

Չորեքտասաներորդ՝ հայրապետք սուրբք եղեն վարդապետք եկեղեցւոյ, ուսուցին պաշտել զԱստուած աստուածայնօք, ատել զաշխարհս աշխարհայնօք՝ որպէս սուրբն Բարսեղ, Գրիգոր Աստուածաբանն, մեծն Աթանաս, սուրբն Կիրիլ, Յոհան Ոսկիբերան և այլք հետևողք նոցին:

Հնգետասաներորդ՝ եկն եհաս շնորհս այս և աստիճանս ի մեծն Մեսրոպ վարդապետն հայոց, որ էկլէսիաստիկան իշխանութեամբ և պատուօք փառաւորեցաւ ի Յունաց և ի Հայոց, և անտի եկն եհաս յեռամեծ և յերջանիկ ընթացանքս մեր Միսիթար, որ մականուամբ Գոշ կոչեցաւ, և նա շնորհեաց յայտնապէս զաւագան Յովսէփէկէ Վանական վարդապետին: Եւ նա ետ Վարդանայ մեծ // վարդապետին, և նա՝ Ներսէս վարդապետին, և նայ՝ Եսայեայ վարդապետին Նչեցուն, և նայ՝ Յովհաննու վարդապետի Որոտնեցուն, և նա՝ Գրիգորի վարդապետի Տաթևացուն, և նայ՝ Դանիէլի վարդապետի Ճգնաւորին, և նա՝ Յովհաննու վարդապետի Համշենցուն, և նա՝ Գրիգորի վարդապետի Արմիշեցուն՝ մականուամբ Չորթան կոչեցելոյ, և Մեղեպարոյց ասեն զնա, և նա՝ Ներսէս Մատաղ վարդապետին, և նա՝ Ներսէս վարդապետին Բաղիշեցուն, և նա՝ Ներսէս վարդապետի Ամկեցուն, և նա՝ Յովսէփէկէ քարեզոյս վարդապետի Ոստանցուն, և նա՝ Բարսէղի մեծի

7բ

վարդապետի Կարպեղացուն, և նա Յոհաննես Բուծիկ վարդապետի Բաղիշեցուն, և նա՝ Խաչատուր վարդապետի Բաղիշեցուն, և նա՝ Վարդանայ մեծ և բնդիր վարդապետի Բաղիշեցուն:

Եւ արդ, ես՝ Բաղիշեցի Վարդան վարդապետս, լերկիրն Բաղէշու և ի մեհաստանն Սրբոյն Յովաննու, որ մականուամբ Ամրտոլու Սուրբ Յովաննէս կոչի, առաջի բազմահոյ վարդապետաց, քահանայից, և առաջի մեծամեծ իշխանաց և ժողովրդոց՝ ետու մեծ գաւազան և կարգեցի գլուխ վարդապետ, դաս ասել, իշխանութիւն և մեծ գաւազան տալ խնդրողաց հոգևոր՝ և սիրամունդ որդոյն իմոյ Գրիգոր վարդապետին Բաղիշեցո, ի թուականութեանս հայկական ժարմից Ռ-երորդի, Ը-երորդի, Ի-երորդի, Թ-երորդի (1680):

8ա

Արդ, մի որ իշխեցի հակառակ կալ սիրագուն // որդեկիս իմոյ Գրիգորի վարդապետին, զի այլ որ չունի իշխանութիւն ի վերա դորա, բաց յիճէն. կապեալն ի դմանէ կապեալ է՝ քստ բանի Տեառն, և արձակեալն՝ արձակեալ:

Կատարօղք հրամանաց մերոց, արհմիք յԱստուծոյ. ամէն:

Այս բանիս վկայ.

Մարգարէ վարդապետ Արզրումցի,

Բարադամ վարդապետ Հզվեցի,

Ներսէս վարդապետ Արծկեցի,

Կարապետ վարդապետ Սպառկերցի,

Սարգիս վարդապետ Բաղիշեցի,

Յովաննէս վարդապետ Թօխատեցի,

Մխիթար վարդապետ Խոյսեցի,

Սարգիս վարդապետ Արզրումցի,

Անդրէաս սարունտէր Արծկեցի.

Բաւ է:

Թ

[ՎԱՍՆ 2ՈՐԻՑ ԵՂԱՆԱԿԱՑՆ ՎԱՐԴԱՊԵՏՈՒԹԵԱՆ]

(Ձեռ. № 5947, էջ 312ա, ԺԸ դ. վերջից ոչ վաղ)

Գիտել պարտ է, զի Դ (4) է վարդապետութեան լեղանակն. նախ Սահմանականն, Բ՝ Բաժանականն, Գ՝ Ապացուցականն, Դ՝ Վերլուծականն:

Արդ, սահմանի փաղանուանքն և բաժանի հոմանունք և ապացուցի հաստատի և մեկնի:

Դարձեալ՝ բնութիւն իրին սահմանաւ ճանաչի և յատկութիւն՝ բաժանմամբ, վասն որոյ սահմանէ զերանութիւնն:

Ժ

ԳՈՎԱՍՍԱՆ-Բ ԳԱՒԱԶԱՆԻ

(Ձեռ. № 5721, էջ 76ա, 1733 թ.: Մատենադարանի ձեռագրացուցակն այս չափածո գործի հեղինակ համարել է գրչին (հմտ. Յուզակ ձեռագրաց Մաշտոցի անվան Մատենադարանի, հ. Բ, կազմեցին Օ. Էգանյան, Ա. Զեյթունյան, Փ. Անթրաքյան, Ե., 1970, էջ 170), բայց մենք վստահ չենք. որ 1711 թ. գրված «Գովասանք»-ի հեղինակը 1733 թ. գրիչն է)

Եպիսկոպոս յոյժ անպիտան
յետոյ շինել զայս գաւազան,
արծաթապատ և զսնազան,
որ և չկա իրեան մըման:

Է վարդապետ անուն տիրիս՝
իշխանաւոր գաւազանիս.
ով սուրբ եղբայր, որ վայելիս,
յիշեա զաղօթս քո զեղկելիս:

Գաւազանէս առ քեզ խըրատ,
թէ խելք և միտք ունիս յըստակ,
զի է դորա բոլորն արծաթ,
և ի մերթոյ ունի չոր փայտ:
Նոյնպէս և ես երևիմ մարդ՝
փառօք պայծառ որպէս ըզվարդ,
և ի մերթոյ հոգիս աղքատ
Է սևացեալ քան զայրած փայտ:

Դարձեալ ասեմ քեզ այլ խըրատ՝
մի փառասէր լիմիր խըպարտ.
լեր դու հովիւ արի և ըզգաստ
և ի գայլոց պահէ զոչխարտ:

Մի ժողովէր ոսկի, արծաթ
և մի անտես առներ զաղքատ,
մի կաշառօք առներ զքո կարգդ,
մի ձեռնադրեր անարժան մարդ:

Մի անպատեհ առներ զայտ բանդ
և մի անկմիր ի բանբասանք.
դու մի առներ զերկիր գանգատ,
որ ոչ ասեմ երկիր քեզ վատ:

Յոռու անկանիմ հայրապետին,
յորժամ կարդայ ըստ պատշաճին,
յիշէ զմերհեալ գծող չնչին՝
ի ՌԾ ՎԱՄՈՒՄ (1711) թըվինս:

(Գրչի հիշատ.) Գրեցի աչս Գաւազանագիրքս ի թվականիս մերոյ
ՌԾԶԲ (1733) ամին, օգոստոսի ԻԵ (25):

Հրատարակութեան պատրաստեց՝ ԳԵՎՈՐԳ ՀՈՒՆԱՆՅԱՆ

